

讚

一百八 持經滿藏圖 消災延壽藥師佛  
毘盧心內瑜伽部 大乘經典共彌陀  
證南方龍女 直至菩提路  
南無普供養菩薩摩訶薩 (三唱)

恭聞

道越於九天釋梵，號曰世雄；功超於九有含靈，名稱調御。或拔苦於九幽界內，或攝生於九品蓮臺。九次第定，一念能超；九界色身，隨緣示現。光含法界，道越羣生；願垂萬行之莊嚴，鑑此九時之佛事。上來奉為，求懺我等，啓建慈悲道場懺法。今當第九卷，入壇緣起。嚴列香燈之華果，盤盛菲供之珍饈。表此一心。供養三寶；洗心滌慮，發露虔誠。法身不動，法性湛然；法法周徧，法眼圓明。現紫磨之金相，耀白玉之明毫。禮拜歸依，哀憐攝受；除未除之罪垢，懺未懺之愆尤。切念求懺我等，塵劫以來，迷流不返。常迷九界之因果，無明自覆；不信九泉之苦報，邪見橫生。輕蔑九部之尊經，恣情造罪；縈纏九結之煩惱，縱意妄為。自讚毀他，損人利己。或因斗秤而欺誑，或因酒色以荒迷；為貪塵世之暫歡，難免幽塗之極苦。今則旋知悔過，幸啓敬心；歸依真淨之福田，代為依文而懺悔。恭叩洪慈，冥熏加被。

白蓮臺上黃金相 紅藕華開紫磨身  
巍巍相好天中天 蕩蕩難名聖中聖

## 第九卷入懺

啓運慈悲道場懺法一心歸命三世諸佛

南無過去毘婆尸佛 南無尸棄佛

南無毘舍浮佛 南無拘留孫佛

南無拘那含牟尼佛 南無迦葉佛

南無本師釋迦牟尼佛 南無當來彌勒尊佛

南無懺摩會上佛菩薩（三稱）

慈悲道場懺法卷第九

為阿鼻地獄禮佛第二十七

今日道場，同業大眾！從歸依以來，訖此章後，每言萬法雖差，功過不一；至於明闇相形，惟善與惡。善者，則謂人天之勝塗；惡者，則謂三塗之異轍。修仁義則歸於勝，興殘害則墜於劣。其居勝者，良由業勝，非諍競之所要；受自然之妙樂，趣無上之逍遙。其墜劣者，良由業劣，處於火城鐵網之中；食則鐵丸熱鐵，飲則沸石烱銅；壽算踰於造化，劫數等於無窮。又地獄之苦，不可親嬰。神離此軀，識投彼城；報以刀輪加體，償以火磨毀形；命不肯促，抱苦長齡。縱復獲免，又墮餓鬼；口中火出，命不全活。從此死已，又墮畜生；復受衆苦，肌肉充饋，命不盡於算數。分布鼎鑊，星羅機案；或復負重致遠，驅役險難。實三惡之重苦，悲長夜之難旦。而優劣皎然，無能信者；以吾我故，好起疑惑；以疑

惑故，多不向善。所以佛言：世有十事，死入惡道：意不專善，不修功德；貪著飲食，如彼餓虎；耽戀酒色，喜懷瞋毒；常習愚癡，不受人諫，自任其力，辦諸惡事；好殺衆生，凌易孤弱；恆黨惡人，侵暴他界；有所宣說，言不真實；不慈一切，起諸惡業。若人如是，不久存世，死入惡道。

今日道場，同業大衆！如佛所言，誰能免者？既不能免，於地獄中，皆有罪分。大衆各各，覺悟此意，無自放逸。宜與時競，行菩薩道；勤求諸法，利益衆生。一自滅罪，二生他福；此則自利利他，彼我無異。相與今日，起勇猛心、起堅固心、起慈悲心、度一切心、救衆生心，至坐道場，勿忘此願。仰承十方，盡虛空界，一切諸佛，諸大菩薩！大神通力、大慈悲力、解脫地獄力、濟度餓鬼力、救拔畜生力、大神呪力、大威猛力，令我等所作利益，所願成就。等一痛切，五體投地。為阿鼻大地獄，受苦衆生；乃至黑闇地獄、十八寒地獄、十八熱地獄、十八刀輪地獄、劍林地獄、火車地獄、沸屎地獄、鑊湯地獄。如是地獄，復有八萬四千眷屬等獄，其中受苦，一切衆生；我等以菩提心、以菩提行、以菩提願，悉皆代為，歸依世間，大慈悲父。

南無彌勒佛

南無釋迦牟尼佛

南無大音讚佛

南無淨願佛

南無日天佛

南無樂慧佛

南無攝身佛	南無威德勢佛
南無刹利佛	南無德乘佛
南無上金佛	南無解脫髻佛
南無樂法佛	南無住行佛
南無捨憍慢佛	南無智藏佛
南無梵行佛	南無栴檀佛
南無無憂名佛	南無端嚴身佛
南無相國佛	南無蓮華佛
南無無邊德佛	南無天光佛
南無慧華佛	南無頻頭摩佛
南無智富佛	
南無師子遊戲菩薩	南無師子奮迅菩薩
南無地藏菩薩	
南無無邊身菩薩	南無觀世音菩薩

又復歸依，如是十方，盡虛空界，一切三寶。願以慈悲力，救拔拯接！願阿鼻地獄，乃至黑闇地獄、刀輪地獄、火車、沸屎，眷屬等獄，受苦衆生；以佛力、法力、諸菩薩力、一切賢聖力，令今日受苦衆生，即得解脫；畢竟不復，墮於地獄。一切罪障，悉得消滅；畢竟不復，作地獄業。捨地獄生，得淨土生；捨地獄命，得智慧命；捨地獄身，得金剛身。捨地獄苦，得涅槃樂；念地獄苦，發菩提心。四無量心，六波羅蜜，常得現前；四無礙智，六神通力，如意自在。具足

智慧，行菩薩道；勇猛精進，不休不息。乃至進修，滿十地行；入金剛心，成等正覺。

為灰河鐵丸等地獄禮佛第二十八

今日道場，同業大眾！重復至誠，五體投地。為灰河地獄、劍林地獄、刺林地獄、銅柱地獄、鐵機地獄、鐵網地獄、鐵窟地獄、鐵丸地獄、尖石地獄。如是十方，盡虛空界，一切地獄，今日現受苦，一切衆生；我等以菩提心，普為歸依世間，大慈悲父。

南無彌勒佛

南無梵財佛

南無淨根佛

南無上論佛

南無提沙佛

南無出泥佛

南無謨羅佛

南無法樂佛

南無智慧佛

南無網光佛

南無名聞佛

南無教化佛

南無善明佛

南無釋迦牟尼佛

南無寶手佛

南無具足論佛

南無弗沙佛

南無有日佛

南無得智佛

南無上吉佛

南無求勝佛

南無善聖佛

南無瑠璃藏佛

南無利寂佛

南無日明佛

南無衆德上明佛

南無寶德佛

南無師子幡菩薩 南無師子作菩薩

南無地藏菩薩

南無無邊身菩薩 南無觀世音菩薩

又復歸依，如是十方，盡虛空界，一切三寶。願以慈悲力，同加救拔！願今日現受灰河等地獄，受苦一切衆生，皆得解脫；一切苦果，永得除滅。地獄道業，畢竟清淨；捨地獄身，得金剛身。捨地獄苦，得涅槃樂；憶地獄苦，發菩提心。同出火宅，至於道場；與諸菩薩，俱成正覺。

為飲銅炭坑等地獄禮佛第二十九

今日道場，同業大衆！重復至心，五體投地。普為十方，盡虛空界，一切地獄，飲銅地獄、衆合地獄、叫喚地獄、大叫喚地獄、熱地獄、大熱地獄、炭坑、燒林。如是等無量無邊，眷屬等獄，今日現受苦衆生；我等以菩提心，普代歸依世間，大慈悲父。

南無彌勒佛

南無釋迦牟尼佛

南無人月佛

南無羅睺佛

南無甘露明佛

南無妙意佛

南無大明佛

南無一切主佛

南無樂智佛

南無山王佛

南無寂滅佛  
南無天王佛  
南無妙華佛  
南無功德威聚佛  
南無甘露音佛  
南無利慧佛  
南無勝音佛  
南無善義佛  
南無行善佛  
南無堅勇精進菩薩  
南無地藏菩薩  
南無無邊身菩薩

南無德聚佛  
南無妙音聲佛  
南無住義佛  
南無智無等佛  
南無善手佛  
南無思解脫義佛  
南無梨陀行佛  
南無無過佛  
南無金剛慧菩薩  
南無觀世音菩薩

又復歸依，如是十方，盡虛空界，一切三寶。願以慈悲力，同加救拔！願飲銅等地獄，現受苦衆生；一切罪障，皆得消滅；一切衆苦，皆得解脫。從今日去，畢竟不復，墮於地獄。捨地獄生，得淨土生；捨地獄命，得智慧命。四無量心，六波羅蜜，常得現前；四無礙辯，六神通力，如意自在。出地獄道，得涅槃道；等與如來，俱成正覺。

為刀兵銅釜等地獄禮佛第三十

今日道場，同業大眾！重復至誠，普為十方，盡虛空界，一切地獄，想地獄、黑砂地獄、釘身地獄、火井地獄、石白地

獄、沸砂地獄、刀兵地獄、飢餓地獄、銅釜地獄。如是等無量地獄，今日現受苦衆生；我等今日，以菩提心力，普為歸依世間，大慈悲父。

南無彌勒佛	南無釋迦牟尼佛
南無華藏佛	南無妙光佛
南無樂說佛	南無善濟佛
南無衆王佛	南無離畏佛
南無辯才日佛	南無名聞佛
南無寶月明佛	南無上意佛
南無無畏佛	南無大見佛
南無梵音佛	南無善音佛
南無慧濟佛	南無無等意佛
南無金剛軍佛	南無菩提意佛
南無樹王佛	南無槃陀音佛
南無福德力佛	南無勢德佛
南無聖愛佛	南無勢行佛
南無琥珀佛	南無樂知佛
南無棄陰蓋菩薩	南無寂根菩薩
南無地藏菩薩	
南無無邊身菩薩	南無觀世音菩薩

又復歸依，如是十方，盡虛空界，一切三寶。願以慈悲力、

同加救護！願刀兵等一切地獄，眷屬等獄，受苦衆生，今日即得解脫；一切衆苦，永得除斷。離地獄緣，得智慧生；憶地獄苦，發菩提心。行菩薩行，不休不息；入一乘道，滿十地行。皆以神力，還接一切；同坐道場，俱登正覺。

為火城刀山等地獄禮佛第三十一

今日道場，同業大衆！重復至誠，普為十方，盡虛空界，一切地獄，火城地獄、石窟地獄、湯澆地獄、刀山地獄、虎狼地獄、鐵牀地獄、熱風地獄、吐火地獄。如是等無量無邊，眷屬等獄，今日受苦衆生；我等以菩提心力，普為歸依世間，大慈悲父。

南無彌勒佛	南無釋迦牟尼佛
南無雷音雲佛	南無善愛目佛
南無善智佛	南無具足佛
南無德積佛	南無大音佛
南無法相佛	南無智音佛
南無虛空佛	南無祠音佛
南無慧音差別佛	南無功德光佛
南無聖王佛	南無衆意佛
南無辯才輪佛	南無善寂佛
南無月面佛	南無日名佛
南無無垢佛	南無功德集佛

南無華德相佛      南無辯才國佛  
南無寶施佛      南無愛月佛  
南無不高佛  
南無慧上菩薩      南無常不離世菩薩  
南無地藏菩薩  
南無無邊身菩薩      南無觀世音菩薩

又復歸依，如是十方，盡虛空界，一切三寶。願以慈悲力，同加攝受！願刀山等地獄，今日現受苦衆生，即得解脫。乃至十方不可說，一切地獄，現受苦、當受苦，一切衆生；願以佛力、法力、菩薩力、賢聖力，令諸衆生，同得解脫；永斷十方，諸地獄業。從今以去，至於道場；畢竟不復，墮於三塗。捨身受身，常值諸佛；具足智慧，清淨自在。勇猛精進，不休不息；乃至進修，滿十地行。登金剛心，入種智果；以佛神力，隨心自在。

為餓鬼道禮佛第三十二

今日道場，同業大眾！重復至誠，五體投地。普為十方，盡虛空界，一切餓鬼道，餓鬼神等，一切餓鬼，各及眷屬；我等今日，以菩提心力，普為歸依世間，大慈悲父。

南無彌勒佛      南無釋迦牟尼佛  
南無師子力佛      南無自在王佛

南無無量淨佛	南無等定佛
南無不壞佛	南無滅垢佛
南無不失方便佛	南無無憍佛
南無妙面佛	南無智制住佛
南無法師王佛	南無大天佛
南無深意佛	南無無量佛
南無法力佛	南無世供養佛
南無華光佛	南無三世供佛
南無應日藏佛	南無天供養佛
南無上智人佛	南無真髻佛
南無信甘露佛	南無金剛佛
南無堅固佛	
南無藥王菩薩	南無藥上菩薩
南無地藏菩薩	
南無無邊身菩薩	南無觀世音菩薩

又復歸依，如是十方，盡虛空界，一切三寶。願以慈悲力，同加攝受！願東西南北，四維上下，盡十方界，一切餓鬼道，一切餓鬼神，各及眷屬；一切餓鬼，各及眷屬；一切罪障，皆得消滅；一切衆苦，皆得解脫。身心清涼，無復熱惱；身心飽滿，無復飢渴。得甘露味，開智慧眼。四無量心，六波羅蜜，常得現前；四無礙智，六神通力，如意自在。離餓鬼道，入涅槃道；等與諸佛，俱成正覺。

### 為畜生道禮佛第三十三

今日道場，同業大眾！重復運心，五體投地。普為東西南北，四維上下，如是十方，盡虛空界，一切畜生道，四生衆生；若大若小，水陸空界，一切衆生，各及眷屬；我等今日，以慈悲心力，普為歸依世間，大慈悲父。

南無彌勒佛	南無釋迦牟尼佛
南無寶肩明佛	南無梨陀步佛
南無隨日佛	南無清淨佛
南無明力佛	南無功德聚佛
南無具足德佛	南無師子行佛
南無高出佛	南無華施佛
南無珠明佛	南無蓮華佛
南無愛智佛	南無槃陀嚴佛
南無不虛行佛	南無生法佛
南無相明佛	南無思惟樂佛
南無樂解脫佛	南無知道理佛
南無常精進菩薩	南無不休息菩薩
南無地藏菩薩	
南無無邊身菩薩	南無觀世音菩薩

又復歸依，如是十方，盡虛空界，一切三寶。願以慈悲力，

同加攝受！願東西南北，四維上下，盡虛空界，一切畜生道，四生衆生，各及眷屬；一切罪障，皆得消滅；一切衆苦，皆得解脫。同捨惡趣，俱得道果；身心安樂，如第三禪。四無量心，六波羅蜜，常得現前；四無礙智，六神通力，如意自在。離畜生道，入涅槃道；登金剛心，成等正覺。

### 為六道發願第三十四

我等以今，奉為諸天諸仙，龍神八部禮佛，功德因緣；願十方盡虛空界，四生六道，窮未來際，一切衆生；從今日去，至於菩提；不復枉誤形骸，受諸楚毒；不復造十惡五逆，更入三塗。承今禮佛，功德因緣；各得菩薩摩訶薩，淨身、口業。各得菩薩摩訶薩大心：大地心，生諸善根；大海心，受持諸佛智慧大法；須彌山心，令一切安住無上菩提；摩尼寶心，遠離煩惱；金剛心，決定諸法；堅固心，衆魔外道不能沮壞；蓮華心，一切諸法所不能染；優曇鉢華心，一切劫中難得值遇；淨日心，除滅一切愚癡瞋障；虛空心，一切衆生無能量者。

又願四生六道，一切衆生；從今日去，思量識性，思量決信解性；棄捐調戲，常思法語。所有皆施，心無愛惜；心心勇猛，不懷怯弱。所修功德，悉施一切；不還邪道，專心一向。見善如化，見惡如夢；捨離生死，速出三界。明了觀察，甚深妙法。各得供養，一切諸佛；供養衆具，皆悉滿足。各

得供養，一切尊法；供養衆具，皆悉滿足。各得供養，一切菩薩；供養衆具，皆悉滿足。各得供養，一切賢聖；供養衆具，皆悉滿足。若有後流，一切衆生，異我等今日願界者；皆悉令入大願海中；即得成就，功德智慧。以佛神力，隨心自在；等與如來，俱成正覺。

### 警念無常第三十五

今日道場，同業大眾！相與已得，為六道禮懺、發願竟。次復應須，悟世無常。夫三世罪福，因果相生；惻然在心，慮不斯隔。常謂影響相符，乃可胡越；善惡之致，非可得而舛也。惟願大眾，覺悟無常！勤修行業，以自資身；勿生懈怠，而不努力。智者常嘆：假使千萬億歲，受五欲樂；終不得免，三惡道苦。況我百年，而不得半；於此促期，那得自寬？且世間幻惑，終歸磨滅。有者皆盡，高者亦墜；合會有離，生必應死。父母兄弟，妻子眷屬，愛徹骨髓；當捨壽時，不得相代。重官厚祿，榮華豪貴，錢財寶物，亦不能延人之壽命；亦不可以言辭飲食，求囑脫者。無形之對，誰能留者？

經云：死者，盡也；氣絕神逝，形骸蕭索。人物一統，無生不終。而捨命時，受大苦惱；內外六親，圍遶號哭。死者惶怖，莫知依投？身虛體冷，氣將欲盡；見先所作，善惡報相，森然在目。其修善者，天神扶衛；其行惡者，牛頭驅逐。

獄卒羅刹，永無寬恕；慈親孝子，不能相救。夫妻恩愛，相看就盡；風刀解身，苦不可言。死者爾時，肝膽寸裂；無量痛惱，一時同集；神識周悼，如狂如醉。決欲起一念善，作一毫福；懷恨在心，不復能得。如是苦惱，無人代受。涅槃經言：死者於險難處，無有資糧；去處懸遠，又無伴侶。晝夜常行，無有邊際；深邃幽闇，無有光明。入無遮止，到不得脫。生不修福，死歸苦處；愁毒辛酸，不可療治。非是惡色，令人怖畏。

今日道場，同業大眾！生死果報，如環無窮。孤魂獨逝，無人見者；不可尋覓，不可物寄。惟各努力，捍勞忍苦；勤修四等，六波羅蜜。以為獨逝諸趣之資，莫以強健而自安心。宜各至心，等一痛切，五體投地；歸依世間，大慈悲父。

南無彌勒佛

南無釋迦牟尼佛

南無多聞海佛

南無持華佛

南無不隨世佛

南無喜衆佛

南無孔雀音佛

南無不退沒佛

南無斷有愛垢佛

南無威儀濟佛

南無無動佛

南無諸天流布佛

南無寶步佛

南無華手佛

南無威德佛

南無破怨賊佛

南無富多聞佛

南無妙國佛

南無華明佛                      南無師子智佛  
南無月出佛                      南無滅闇佛  
南無師子遊戲菩薩      南無師子奮迅菩薩  
南無無邊身菩薩              南無觀世音菩薩

又復歸依，如是十方，盡虛空界，一切三寶。願以慈悲力，同加覆護！願今日道場，同懺悔者；從今日去，乃至菩提；一切罪因，無量苦果，悉得斷除；煩惱結業，畢竟清淨。諸佛法會，常得身預；行菩薩道，自在受生。四等六度，如說修行；四辯六通，無不滿足。百千三昧，應念現前；諸總持門，無不能入。早登道場，成等正覺。

### 為執勞運力禮佛第三十六

今日道場，同業大眾！重復至誠，起慈悲心，無怨親想。普為今日，轉生作熟，執勞隨喜；施工運力，助營福業者，各及眷屬。又為即世牢獄，憂厄困苦，囹圄繫閉，及諸刑罰；念其處世，雖獲人身，樂少苦多；枷鎖杻械，未嘗離體。或今身造惡、或過去所追，或應免脫，無由自申，重罪分死，無救護者。如是衆生，各及眷屬；我等今日，以慈悲心，普為歸依，一切世間，大慈悲父。

南無彌勒佛                      南無釋迦牟尼佛  
南無次第行佛                  南無福德燈佛

南無音聲治佛	南無憍曇佛
南無勢力佛	南無身心住佛
南無善月佛	南無覺意華佛
南無上吉佛	南無善威德佛
南無智力德佛	南無善燈佛
南無堅行佛	南無天音佛
南無安樂佛	南無日面佛
南無樂解脫佛	南無戒明佛
南無住戒佛	南無無垢佛
南無師子幡菩薩	南無師子作菩薩
南無無邊身菩薩	南無觀世音菩薩

又復歸依，如是十方，盡虛空界，一切三寶。願以慈悲力，同加覆護！願今日執勞隨喜者，各及眷屬；從今日去，至於菩提；一切罪障，皆得消滅；一切衆苦，畢竟解脫。壽命延長，身心安樂；永離災厄，無復障惱。發大乘心，修菩薩行；六度四等，皆悉具足。捨生死苦，得涅槃樂。又願天下牢獄，諸餘刑禁，徒囚繫閉，憂厄困苦，諸有疾病，不得自在者，各及眷屬；以今為其禮佛功德威力，一切衆苦，皆悉解脫。惡業對因，畢竟除斷；出牢獄戶，入善法門。壽命無窮，智力無盡；身心永樂，如第三禪。憶牢獄苦，念諸佛恩；改惡修善，皆發大乘。行菩薩道，至金剛際；還復度脫，一切衆生；同登正覺，神力自在。

## 發回向第三十七

今日道場，同業大眾！已得發心，辦所辦竟。次復應須，以前功德，各發回向。何以故爾？一切衆生，所以不能得解脫者；皆由著於果報，不能捨離。若有片福，一毫之善，能回向者；則於果報，不復生著，便得解脫，優遊自在。所以經歎：修行回向，為大利益。是故今日，應發回向；兼勸一切，不著果報。我等相與，先應至心，五體投地；歸命敬禮世間，大慈悲父。

南無彌勒佛

南無堅出佛

南無增益佛

南無違藍明佛

南無蜜鉢佛

南無信戒佛

南無樂實佛

南無具威德佛

南無上慈佛

南無甘露王佛

南無聖讚佛

南無文殊師利菩薩

南無無邊身菩薩

南無釋迦牟尼佛

南無安闍那佛

南無香明佛

南無念王佛

南無無礙相佛

南無至妙道佛

南無明法佛

南無至寂滅佛

南無大慈佛

南無彌樓明佛

南無廣照佛

南無普賢菩薩

南無觀世音菩薩

又復歸依，如是十方，盡虛空界，一切三寶。願以慈悲力，同加覆護！一切行願，皆得圓滿。今日道場，同業大眾！從今日去，至於菩提；行菩薩道，誓莫退還。先度衆生，然後作佛。若未得道，中間猶滯生死者；以此願力，令此大眾，在所生處，身、口、意業，恆自清淨。常發柔軟心、調和心、不放逸心、寂滅心、真心、不雜亂心、無貪恪心、大勝心、大慈悲心、安住心、歡喜心、先度一切心、守護一切心、守護菩提心、誓等佛心，發如是等，廣大勝妙之心；專求多聞，修離欲定。饒益安樂，一切衆生；不捨菩提願，同成正覺。

### 說回向法

今日道場，同業大眾！相與胡跪合掌，心念口言，隨我今說：

十方諸天仙	所有功德業	我今為回向	同歸正覺道
十方龍鬼神	所有勝善業	我今為回向	同歸一乘道
十方諸人主	所修菩提業	我今為回向	同歸無上道
六道衆生類	所有微善業	我今為回向	同歸無上道
十方佛弟子	善來比丘衆	無著四沙門	及求緣覺者
隱顯化衆生	明了因緣法	如是兼一切	盡回向佛道
十方諸菩薩	讀誦受持經	入禪出禪者	勸總行衆善
如是等三乘	一切衆德本	盡回施衆生	同歸無上道

天上及人間 聖道諸善業 我今勸回向 同歸無上道  
發心及懺悔 自行若勸人 所有微毫福 盡回施衆生  
衆生不得佛 不捨菩提願 一切成佛盡 然後登正覺  
仰願佛菩薩 無漏諸聖人 此世及後生 惟願見攝受

今日道場，同業大眾！相與至心，五體投地。奉為國家人主回向；奉為父母親緣回向；奉為師長同學回向；奉為信施檀越，善惡知識回向；奉為護世四王回向；又為十方魔王回向；又為聰明正直，天地虛空，主善罰惡，守護持呪，五方龍王，龍神八部回向；又為幽顯一切靈祇回向；又為十方，盡虛空界，一切衆生回向。惟願十方，諸天諸仙，龍神八部，一切衆生！從今日去，至於菩提；恆會無相，不復耽著。

慈悲道場懺法卷第九

### 七佛滅罪真言

離婆離婆帝 求訶求訶帝 陀羅尼帝 尼訶囉帝 毗黎你帝  
摩訶伽帝 真陵乾帝 娑婆訶（七遍）

### 補闕真言

南無喝囉怛那 哆囉夜耶 佉囉佉囉 俱住俱住 摩囉摩囉  
虎囉 吽 賀賀 蘇怛拏 吽 潑抹拏 娑婆訶（三遍）

## 讚

三塗劇報 苦楚難當 總由一念自招殃  
警念世無常 懇禱醫王 慈化永流芳  
南無善慧地菩薩摩訶薩 (三唱)

## 出懺

九品導師，九極六天而侍衛；九界慈仁，九種羅漢以參隨。惟願聖慈，永享於九重闕內；拔茲羣類，同登於九品蓮臺。功超九有，道越九天；仰惟大覺，證明懺悔！上來奉為，求懺我等，熏修梁皇懺法，披閱海藏靈文。茲當第九卷，出入二時，功完告畢。恭對聖前，稽首歸依；焚海岸之栴檀，獻名園之異果。茶淪醒昏沈之味，燈然破闇黑之光；奇華妙奪於天機，梵唄清傳於仙樂。至誠六念，禪觀一心。校計籌量，皆悉回向：阿耨菩提薩埵，聲聞羅漢諸天；天經地緯，掌握陰陽；權衡諸造化，八部衆龍神。咸願鑑此心，普熏真常樂。奉為求懺我等，懺除種種之業障，獲得永永之禎祥；頓超九品，早證蓮邦。伏願：九結罪愆，自此時而解釋；九幽苦趣，超永劫之沈淪。不滯九地九思之見惑，速達九蓮九品之淨邦；咸越九功，資嚴九德。然則再四披誠，猶恐情有差互；再勞尊衆，重重懺悔。

讚

梁皇懺 九卷功德力 願滅信人九結罪  
親證菩薩善慧地 懺文舉處罪華飛  
解了怨 懺了罪 消災增福慧  
蓮池海會願相逢 彌陀佛前親受記  
南無蓮池會菩薩摩訶薩 (三唱)

舉讚

梁皇懺 九卷已全周 回向四恩并三有  
拜懺我等增福壽 惟願亡靈往西遊  
善慧地菩薩 惟願哀納受  
南無登雲路菩薩摩訶薩 (三唱)